

800 Quorum auctoritate veritatis et totius ecclesiae universalis consensu convicti, meliori intellectui eorum quam nostro, quem prius sequebamur, convicti cessimus^a et ad universalem ecclesiam Deo favente ex toto corde nostro reversi sumus; non qualibet simulatione seu velamine falsitatis sicut dudum, quod Deus scit; sed ut dixi, vera cordis credulitate et oris professione.

Quod etiam in conspectu multorum sacerdotum et monachorum professi sumus, poenitudinem gerentes de pristino errore et sacramento, quam pro hac intentione olim praevaricatus sum; profitentes nos deinceps adoptionem carnis in filio Dei sive nuncupationem in humanitate nullo modo credere vel praedicare; sed, secundum quod dogmatibus sanctorum patrum informamur, eundem dominum nostrum Iesum Christum¹⁰ in utraque natura, deitatis videlicet et humanitatis, proprium ac verum filium profitentes, unigenitum videlicet Patris unicum filium eius^b.

Haec est confessio fidei nostrae, quam Deo iuvante a sanctis patribus per eorum scripta cognovimus et ab universali ecclesia post pristinum errorem nostrum accepimus et tenemus. Quod et vos omnes credere et confiteri per eundem dominum nostrum¹⁵ exhortamur, nil diminuentes aut addentes ex sensu vestro; sed hoc, quod vobis innotescimus, cum universali ecclesia indubitanter retinentes. Et ut pro me misero, per quem usque nunc in ecclesia Dei contentio versa est, ex totis praecordiis vestris^c Domini misericordiam implorare non dedignetur; qualiter propter vestram emendationem et orationem catholicorum sacerdotum, qui in simili praevaricatione ut ego nequaquam²⁰ obnoxii sunt, Domini misericordiam, priusquam de hoc mortali corpore egrediar, consequi valeam. Quod per hoc me magis consequi a Domino confido, si scandalum seu error in fide, qui per me in usque nunc inter utrasque partes duravit, per me iterum omnia correctataque sedata fuerint, atque omnis ecclesiae membra in unitate fidei et concordia caritatis velut in unum corpus compaginata, ita ut nemo ex nobis in ecclesia²⁵ Dei ultra scandalum vel quodlibet scisma intromittere audeat. Sed omnes nos, cum universali ecclesia, quae in toto mundo dilatata noscitur, similiter sentientes, et ea, quae dudum orta intentio est, id est adoptionem carnis seu nuncupationem in humanitatem^d filii Dei anathematizantes, pacem ut dixi et unitatem fidei cum omnibus fidelibus ecclesiae absque ulla simulatione inconvulsa fide retineamus^e.³⁰

200.

Alcvinus Laidrado Lugdunensi et Nefridio Narbonensi episcopis ac Benedicto Anianensi abbati, Caroli regis iussu iam iterum ad oppugnandas haereses ituris, suos adversus Elipandum Toletanum episcopum scriptos libros dedicat. Se Dei voluntate in Francorum regnum ad Carolum pervenisse putat. 800.

Codd. P fol. 27'—30' (P fol. 6'—8), Paris. 2388 (Colbert.) s. XIV. (Pa) fol. 7^a.* 35

Edd. Quercetanus col. 925—930 ex cod. S. Mariae Remensis, Frobenius I, 860, J 140. — Migne CI, 231.

DOMINIS IN CHRISTI CARITATE VENERABILIBUS ATQUE DILECTISSIMIS LAIDRADO EPISCOPO LUGDUNENSI ET NEFRIDIO EPISCOPO NARBONENSI ET BENEDICTO ABBATI^b SIMULQUE SANCTISSIMIS NOBISQUE VALDE HONORABILIBUS GOTHIAE PROVINTIAE^c PARTIBUS EPISCOPIS^d ABBATIBUS ET FRATRIBUS HUMILLIMUS SANCTAE ECCLESIAE FILIUS^e ALBINUS SALUTEM. 40

Scio me debitorem esse in officio sanctae karitatis^f omnibus pie matris ecclesiae filiis in praedicando vel defendendo catholicae fidei veritatem. Quod opto tam effica-

^a) quem prius sequebamur, convicti cessimus *scripsit J. pro quā primis sequebatur, convicti essemus Querc.*

^b) reliquam ipsius confessionis partem omisi. ^c) vestri *Querc.* ^d) humanitate *Frob.* ^e) reliqua omisi.

200. ^a) *Lemma:* Epistola eiusdem ad Laidradum et Nefridium episcopos et Benedictum⁴⁵ abbatem *P*; Incipit epistola eiusdem Albini omnibus Gothiae fidelibus et Provinciae episcopis et abbatibus directa *Pa.* ^b) abbate *P, Pa.* ^c) et provinciae *Pa.* ^d) et add. *Pa.* ^e) *superscr. alia man. P.* ^f) caritatis *Pa.*